



## **Universitätsbibliothek Paderborn**

**DE || LIBERTATE || CHRISTIANA ||**

**Lensaeus, Johannes**

**Antverpiae, 1590**

Capvt XXI. Semel introductum noxia libertatis malum, quànam ratione erit  
exstirpandum.

[urn:nbn:de:hbz:466:1-46059](#)

680 DE CHRISTIANA LIBERTATE  
morum, deceptionem euersionemque simplicium,  
prophanationem sacrorum, quietis perturbationem,  
deformationem Reipublicæ, piorum luctum, & esula-  
tionem impiorum.

CAPVT. XXI.

Semel introductum noxiae libertatis malum, quānam  
ratione erit extirpandum.

**S**I N iam erit admissum, quānam ratione extir-  
pari possit, prouidendum est. vbi si Catholicis  
Epistola 8. ad  
Brunonem 60  
bonis posse  
Archiepiscopū.  
exercitiis potest aliquis esse locus, multum in primis  
valebit eruditorum doctrina Pastorum, & ea gratia  
quam Paulus requirit in Episcopo, vt sit potens ex-  
hortari in doctrina sana, & eos qui contradicunt, ar-  
guere. Quò accedat necesse est vita sanctimonia, &  
morum verè Christiana integritas, benignitas, pa-  
tientia, charitas; vt doctrinæ vita respondeat, & quod  
verbis dicitur ac suadetur, id confirmetur virtutum  
exemplis: & quod segniùs forsitan afficit illapsum  
per aures, idem sedula operatione, tāquam subiectum  
oculis, vehementiùs commoueat. Excelluerunt hæ-  
dotes in sancto Patre Norberto eiusque sociis, tum  
cùm Antuerpiensem ab erroribus & vitiis repurgan-  
dam acceperat ciuitatem. Nam cùm illic per id tem-  
pus (erat autem Bernardi aetas, à quo etiam ille hoc  
testimonio laudis ornatus est, vt scriberet: Habetis  
Dominum Norbertum, quem melius præsentem  
præsens interrogare potestis. Nam tanto vir ille in  
diuinis aperiendis mysteriis nobis promptior est,  
quanto & Deo propior esse cognoscitur) Cùm inquā,  
ea tempestate pestiferum hoc libertatis genus Antuer-  
piæ grassaretur, & inter frigidos atque imperitos Ca-  
tholicos, facile sibi sedem reperisset Tanchelinus qui-  
dam, seductor ingenio versipellis, munificentia po-

pularis, sc̄tatorum atque etiam armatorum numero  
potens, opere nequam, scelere impurus, hæresi Sacra-  
mentarius: qui & ministeria Sacerdotum pro nihilo  
duceret, ac sacrosanctam Domini mensam fructum  
salutis ullum afferre negaret: tum ergo cum suis bea-  
tos ille vir, dexteritate docendi, assiduitate monendi,  
orationum instantia, vitæ puritate, misericordiaque inter-  
dum operibus, sic in ea plebe profecit, ut ei potissi-  
mum acceptum ferendum sit (tametsi nec Brabantia  
Dux officio defuerit suo) quod postea noxia libertate  
sublata, verae religionis vera libertas in ea floruerit  
ciuitate. multum enim ea quæ dixi, mouent non ob-  
duratissimos animos, & corrigi possunt hac ratione  
qui nondum obfirmato proposito errare decreue-  
runt. At ubi proposita & illustrata satis doctrina con-  
temnitur, pietas irridetur: ubi vera religio, supersti-  
cio, obedientia, seruitus, humilitas, hypocrisia, veri-  
tas, mendacium; virtus, vitium esse dicitur; ubi stata  
ieiunia, festa, & quæcunque salubri lege sunt insti-  
tuta, calcantur: obdurata, sic fronte, pulsu duriore  
opus est; ut à quibus Ecclesiastica disciplina spurni-  
tur, ab ijs Magistratum Catholicorum, & Legum  
seueritas timeatur: & quod frustra propter ipsos ap-  
plicatur ad medelam, id vel propter alios sanandos,  
atque cohibendos, inferatur ad pœnam. Principes  
enim seculi (inquit beatus Isidorus) nonnunquam  
intra Ecclesiam potestatis adeptæ culmina tenent, vt  
per eandem potestatem, disciplinam Ecclesiasticam  
muniant. Cæterum intra Ecclesiam potestates ne-  
cessariae non essent, nisi vt quod non præualet Sacer-  
dos efficere per doctrinæ sermonem, potestas hoc  
impleat per disciplinæ terrorem. & rursum, Sæpe, in-  
quit, per regnum terrenum, cælestè regnum proficit:  
vt qui intra Ecclesiam positi, contra fidem & disci-  
plinam Ecclesiæ agunt, rigore Principum conteran-

Sentent. lib. 3.cap. 53.

682 DE CHRIST. LIBERT. LIBER XII.  
tur; ipsamque disciplinam, quam Ecclesia humilitas  
exercere non præualet, ceteris superborum po-  
testas Principalis imponat; & ut venerationem me-  
reatur, virtute potestatis impartiatur. Denique ita con-  
cludit: Cognoscant Principes seculi, Deo debere se  
rationem reddere propter Ecclesiam, quam à Chri-  
sto tuendam suscipiunt. Nam siue augeatur pax &  
disciplina Ecclesiæ per fideles Principes, siue solva-  
tur; ille ab iis rationem exiget, qui eorum potestari  
siuam Ecclesiam credidit. Sic beatus Isidorus: cuius  
nos verbis faciendum hunc libro finem putauimus,  
ut alio vtentes exordio, quædam aduersariorum argu-  
menta deinceps dissoluamus.